

欽定四庫全書

子部

傷寒論注釋卷一



詳校官太醫院八品吏目且黃發

編修臣倉聖脈覆勘

欽定四庫全書

子部五

傷寒論注釋

醫家類

提要

臣等謹案傷寒論注釋十卷附傷寒明理論  
三卷論方一卷傷寒論十卷漢張機撰晉王  
叔和編金成無已注明理論三卷論方一卷  
則無已所自撰以發明機說者也機字仲景  
南陽人嘗舉孝廉建安中官長沙太守叔和

高平人官太醫令無已聊攝人生于宋嘉祐  
治平間後聊攝地入于金遂為金人至海陵  
王正隆丙子年九十餘尚存見開禧元年歷  
陽張孝忠跋吳勉學刻此書題曰宋人誤也  
傷寒論前有宋高保衡孫奇林億等校上序  
稱開寶中節度使高繼沖曾編錄進上其文  
理舛錯未能考正國家詔儒臣校正醫書今  
先校定傷寒論十卷總二十二篇合三百九

十七法除重複定有一百一十三方

案一十三原本

誤作一十今請頒行又稱自仲景于今八百

二今改正

餘年惟王叔和能學之云云而明方有執作傷寒論條辨則詆叔和所編與無已所注多所改易竄亂併以序例一篇為叔和偽托而刪之

國朝喻昌作尚論篇于叔和編次之舛序例之繆及無已所注林億等所校之失攻擊尤詳

皆重為考定更其錯簡自謂復長沙之舊本  
其書盛行于世而王氏成氏之書遂微然叔  
和為一代名醫又去古未遠其學當有所受  
無已于斯一帙研究終身亦必深有所得似  
未可槩從屏斥盡以為非夫朱子改大學為  
一經十傳分中庸為三十三章于學者不為  
無裨必以為孔門之舊本如是則終無確證  
可憑也今大學中庸列朱子之本于學官亦

列鄭元之本于學官原不偏廢又烏可以後  
人重定此書遂廢王氏成氏之本乎無已所  
作明理論凡五十篇論方一卷凡二十方於  
君臣佐使之義闡發尤明嚴器之序稱無已  
撰述傷寒義皆前人未經道者指在定體分  
形析證若同而異者明之似是而非者辨之  
釋戰慄有內外之診論煩燥有陰陽之別讖  
語鄭聲令虛實之灼知四逆與厥使淺深之

類明云云其推挹甚重張孝忠跋亦稱無已  
 此二集自北而南先以紹熙庚戌得傷寒論  
 注十卷于醫士王光廷家後守荆門又于襄  
 陽訪得明理論方四卷因為刊板于郴山則  
 在當時固已深重其書矣乾隆四十六年九  
 月恭校上

總纂官臣紀昀臣陸錫熊臣孫士毅

總校官臣陸費墀



傷寒論注釋序

夫傷寒論蓋祖述大聖人之意諸家莫其論擬故晉皇甫謐序甲乙鍼經云伊尹以元聖之才撰用神農本草以為湯液漢張仲景論廣湯液為十數卷用之多驗近世太醫令王叔和撰次仲景遺論甚精皆可施用是仲景本伊尹之法伊尹本神農之經得不謂祖述大聖人之意乎張仲景漢書無傳見名醫錄云南陽人名機仲景乃其字也舉考廉官至長沙太守始受術於同郡張

伯祖時人言識用精微過其師所著論其言精而奧其法簡而詳非淺聞寡見者所能及自仲景于今八百餘年惟王叔和能學之其間如葛洪陶景胡洽徐之才孫思邈輩非不才也但各自名家而不能修明之開寶中節度使高繼沖曾編錄進上其文理舛錯未嘗考正歷代雖藏之書府亦闕於讐校是使治病之流舉天下無或知者國家詔儒臣校正醫書臣竒續被其選以為百病之急無急於傷寒今先校定張仲景傷寒論十卷總

二十二篇證外合三百九十七法除複重定有一百一十  
二方金請頒行太子右贊善大夫臣高保衡尚書屯田  
員外郎臣孫竒尚書司封郎中秘閣校理臣林億等謹  
上注解傷寒論序



傷寒論注釋序

夫前聖有作後必有繼而述之者則其教乃得著于世矣醫之道源自炎黃以至神之妙始興經方繼而伊尹以元聖之才撰成湯液俾黎庶之疾疢咸遂蠲除使萬代之生靈普蒙拯濟後漢張仲景又廣湯液為傷寒卒病論十數卷然後醫方大備茲先聖後聖若合符節至晉大醫令王叔和以仲景之書撰次成叙得為完帙昔人以仲景方一部為衆方之祖蓋能繼述先聖之所作

迄今千有餘年不墜於地者又得王氏闡明之力也傷寒論十卷其言精而奧其法簡而詳非寡聞淺見所能賸究後雖有學者又各自名家未見發明僕忝醫業自幼徂老鮑味仲景之書五十餘年矣雖粗得其門而近升乎堂然未入於室常為之慊然昨者邂逅聊攝成公議論該博術業精通而有家學注成傷寒十卷出以示僕其三百九十七法之內分析異同彰明隱奧調陳脉理區別陰陽使表裏以昭然俾汗下而灼見百一十二

欽定四庫全書

傷寒論注釋卷一

辨脈法第一

金成無已注

問曰脈有陰陽者何謂也答曰凡脈大浮數動滑此名

陽也脈沈澁弱澀微此名陰也凡陰病見陽脈者生陽

病也凡陽病見陰脈者死不可不察察之有紀

以脈從五行生故也陽道常饒大浮數動滑五者比之

傷寒論注釋 一

平脉也有餘故謂之陽陰道常乏沈濇弱弦微五者比  
 之平脉也不及故謂之陰傷寒之為病邪在表則見陽  
 脉邪在裏則見陰脉陰病見陽脉而主生者則邪氣自  
 裏之表欲汗而解也如厥陰中風脉微浮為欲愈不浮  
 為未愈者是也陽病見陰脉而主死者則邪氣自表入  
 裏正虛邪勝如譏言妄語脉沈細者死是也金匱要畧  
 曰諸病在外者可治入裏者即死此之謂也

問曰脉有陽結陰結者何以別

之答曰其脉浮而數能食不大便者此為實名曰陽結

也期十七日當劇其脉沈而遲不能食身體重大便反

鞭名曰陰結也期十四日當劇

結者氣偏結固陰陽之氣不得而雜之陰中有

陽陽中有陰陰陽相雜以為和不相雜以為結浮數陽脉也能食而不大便裏實也為陽氣結固陰不得而雜



之是名陽結沈遲陰脉也不能食身體重陰病也陰病見陰脉則當下利今大便鞭者為陰氣結固陽不得而雜之是名陰結論其數者傷寒之病一日太陽二日陽明三日少陽四日太陰五日少陰六日厥陰至六日為傳經盡七日當愈七日不愈者謂之再經言再經者再自太陽而傳至十二日再至厥陰為傳經盡十三日當愈十三日不愈者謂之過經言再過太陽之經亦以次而傳之也陽結為火至十七日傳少陰水水能制火火邪解散則愈陰結屬水至十四日傳陽明土土能制水水邪解散則愈彼邪氣結甚水又不能制火土又不能制水故當劇內經曰一候後則病二候後則病甚三候後則病危也問曰病有灑淅惡寒而復發熱者何答曰陰脉不足陽往從之陽脉不足陰往乘之曰何謂陽不足答曰假令寸口脉微名曰陽不